

九

廟白滿勳臣傳

卷九



八旗通志初集卷之二百九

勲臣傳九

鑲白旗滿洲世職官下

瓦古禮

拉薩禮

拉薩禮子博壽

羅察

諾泰

伊巴庫

囊武岱

尼雅漢

納考
祐實

布爾賽

喀吉海

伊騰

哈泰

蘇和臣

祁克善

曾孫
拴住

艮泰

郭和齊



鍾內兄之孫那爾泰胡里

多克隊子壽柱

蟒色

席達

博濟

克珥特黑

穆和納

艾都

岳多禮

輝寶費陽古

尼雅爾薩

傅寶

雅思哈偏武

胡錫屯

達禮

希福納納科禮

圖爾禪

西騰

格爾素

褚名臣

費雅思哈

薩爾納

吞珠枯

賽喀納吳沙庫

綽克託

馬薩喀

覺和托阿哈納

渾塔

傅哈達

愛音柱

朔色

畢里克

恩格特

晋才

博和禮

索住

根貝

桑格

卦納察穆布

阿珥楚

花色

關住

穆爾禪

松吉納

阿蘭柱

滿都里

圖爾海

索爾和代

談圖

何達色

新泰

常壽赫塞

季賽

見名臣揚善傳

伊成格

見名臣阿傳下同

伊勒慎

華善

見名臣季思哈傳下三人同

尼滿

穆舒渾

達爾布

席賴

見名臣富刺克塔傳

陳布祿

見名臣葉喜傳

阿穆爾圖

見名臣尼堪傳

多尼喀

見名臣齊爾格中傳

安泰

見名臣鄂屯傳

覺羅普爾朋

見名臣覺羅巴哈納傳下二人同

覺羅巴朗

覺羅杭奇

羅多禮

見名臣車克傳

達爾丹

見名臣喀爾塔刺傳

多爾

見名臣鄂穆克圖傳

喀爾奇

見名臣興萬傳

龍山

見名臣吳巴海傳

拜都哈

見名臣達克沙哈傳

納穆泰吳濟赫

見名臣艾松古傳

赫勒

見名臣葛思特傳

博里

見名臣寶色傳

多格梭里

見名臣張庫傳下二人同

張山

吳爾佳圖

花色

見名臣塔爾代傳

噶爾哈圖

見忠烈敦達禮傳

花善

見忠烈格紳傳

薩穆哈

見忠烈納密達傳下二人同

哈積大

哈席里

杜喇式見忠烈扈習傳下三人同占代

齊蘭布 生保

色赫見忠烈塔海傳阿顏圖見忠烈嫩允傳

魯爾金見忠烈渾親傳

瓦古禮。滿洲鑲白旗人。姓富察氏。世居扎庫塔博爾屯村。順治元年。隨睿王多爾袞。入山海關。擊流賊。以步戰。敗其衆。二年。叙功。授半個前程。七年。九年。三遇。

恩詔。加至三等阿達哈哈番。同旗有拉薩禮者。性格濟。

勒氏。世居和通吉地方。初任牛录章京。亦於順。

治元年。隨睿王多爾袞。入山海關。同甲喇章京。

鄔庫禮。擊敗流賊馬步兵。五月。隨固山額真覺。

羅巴哈納等。往平山西。於太原府。屢敗賊衆。進。

至陝西破賊於延安府三年叙功授半個前程
是年卒子博壽襲七年九年三遇

恩詔加世職至三等阿達哈哈番十一年博壽隨靖南
將軍朱瑪喇等征廣東擊偽安西王李定國屢
敗其衆十三年叙功加爲二等阿達哈哈番
羅察滿洲鑲白旗人姓佟佳氏世居嘉哈地方
初任刑部副理事官順治四年以考滿稱職授
半個前程五年從征湖廣擊賊一隻虎於荊州
府敗之駐防江寧府同俄屯往勦土賊豎梯攻

無爲州所督之兵先登遂克其城六年授拜他
喇布勒哈番七年遇

恩詔以其所得世職准世襲罔替九年遇

恩詔二次加至三等阿達哈哈番

諾泰滿洲鑲白旗人順治六年從征湖廣攻寶
慶府先登克其城授爲拖沙喇哈番七年九年
三遇

恩詔加至三等阿達哈哈番世襲罔替康熙十三年逆
藩吳三桂耿精忠叛亂諾泰從征至江西隨副

都統公倭赫等圍袁州府。隨前鋒統領覺羅舒
恕攻進賢縣。並有功。十四年。隨護軍統領桑額
敗偽總兵莫可動等於新昌縣北山。擊賊首黃
豪於鄱陽湖官塘。距康山三十里。有賊千餘來
犯。率舟師擊敗之。又隨定西將軍希爾根破賊
於饒州府。進至岔口。又敗之。十九年。從征南大
將軍賴塔擊敗偽將軍何繼祖等於黃草壩。會
三路大兵。敗偽將軍胡國柄等於雲南城。外二
十五年。加授二等阿達哈哈番。任至滄州城守

尉

伊巴庫。滿洲鑲白旗人。姓瓜爾佳氏。世居鑷爾
白地方。順治六年。以噶布什賢隨鄭親王濟爾
哈朗。征偽桂王。至湖廣湘潭縣。敵兵出城來戰。
伊巴庫奮勇擊敗之。追至城下。先衆奪門而入。
克之。八年。叙功。授拖沙喇哈番。九年。兩遇
恩詔。加至拜他喇布勒哈番。兼一拖沙喇哈番。

囊武岱。滿洲鑲白旗人。姓索綽羅氏。世居吉林
吳喇地方。順治六年。隨鄭親王濟爾哈朗。征湖

廣流賊破衡州直抵全州並在行間擊賊有功
十五年隨征貴州十六年回兵至江南值海寇
鄭成功陷鎮江瓜州犯江寧囊武岱隨梅勒章
京噶褚哈會同本地官兵擊敗之以功授拖沙
喇哈番

尼雅漢滿洲鑲白旗人姓富察氏世居訥陰地
方初管擺牙喇章京事遇順治七年九年

恩詔授世職拜他喇布勒哈番十一年隨靖南將軍朱

瑪喇出師廣東敗偽安西王李定國兵於新會

縣又追定國至橫州江岸敗其馬步兵以功加
一拖沙喇哈番還京陞內務府總管授散秩大
臣康熙十年陞都統尋加太子少保十八年十
月病卒於官同旗有同姓人納考者世居扎庫
塔博爾屯村亦以隨靖南將軍朱瑪喇征廣東
敗偽安西王李定國於新會縣又敗偽都督吳
三英等有功授拖沙喇哈番又有壯尼大祐實
亦以是役効力戎行論功授拖沙喇哈番
布爾賽滿洲鑲白旗人姓富察氏世居扎庫塔

恩詔授世職爲拜他喇布勒哈番。十一年從定遠大將
地方。初任牛录章京。順治九年兩遇
軍貝勒屯齊征湖南。擊敗僞秦王孫可望兵於
岔路口。十六年隨梅勒章京噶褚哈征貴州。回
兵至江南。適海寇鄭成功犯江寧府。遂會同本
地官兵連敗其衆。以功加一拖沙喇哈番。同旗
有委署壯尼大喀吉海。亦以順治十六年從征
貴州。回兵至江南。擊海寇鄭成功。來犯江寧之
兵。屢戰皆捷。論功授拖沙喇哈番。

伊騰。滿洲鑲白旗人。姓燕濟氏。世居葉赫地方。
初任分得撥什庫。順治十一年隨寧海大將軍
宜爾德。征浙江舟山。同署纛章京尼雅塔。擊賊
敗之。十五年隨信郡王多尼。征雲南。圍沅江府。
賊率衆千餘來犯我蘆園。伊騰同赫勒布迎擊。
連破其衆。以功授拖沙喇哈番。
哈泰。滿洲鑲白旗人。征福建海賊。攻廈門時。海
逆鄭成功列戰艦六百餘艘於海上拒敵。哈泰
先衆跳入賊舟。大破之。奪其戰艦以歸。論功授

拖沙喇哈番同旗有蘇和臣者。姓伊爾根覺羅氏。世居薩爾湖地方。亦以從征福建有功。授拖沙喇哈番。

祁克善。滿洲鑲白旗人。姓伊爾庫勒氏。世居諾雷地方。順治十五年。從大兵征雲南。攻沅江府。繼喀穆圖第二登城。

賜號巴圖魯。授三等阿達哈哈番。准再襲四次。祁克善巴圖魯之二世孫有拴住者。初襲三等阿達哈哈番。世職。雍正九年。以從征準噶爾。在和通胡

爾哈陣亡。議卹。又加贈一拖沙喇哈番。

良恭。滿洲鑲白旗人。姓舒穆魯氏。世居雅爾湖地方。順治十五年。從征雲南。攻沅江府。第三人登城。

賜號巴圖魯。授拜他喇布勒哈番。兼一拖沙喇哈番。同

旗有郭和齊者。亦姓舒穆魯氏。世居吉林地方。以順治十五年。隨信郡王多尼。至貴州。征偽桂王。敗偽侯李成蛟於涼水井。又敗偽晉王李定國於雙河口。磨盤山等處。並在事有功。授拖沙

喇哈番

鍾內滿洲鑲白旗人。姓文都氏。世居訥陰地方。父郎格。於

國初率諸兄弟及鄉人來歸。值編設牛錄。即令管半箇牛錄事。鍾內郎格第四子也。父沒。襲管牛錄。順治十五年。隨信郡王多尼征貴州。在十萬崎山。破偽總兵羅大順師。旋至江寧。值海賊鄭成功來犯。鍾內隨梅勒章京噶褚哈。協同本地兵擊敗之。十七年。叙功授拜他喇布勒哈番。康

熙十三年卒。以兄之孫那爾泰襲。雍正九年六月。那爾泰隨公富爾丹征準噶爾。與賊戰於和通胡爾哈地方。歿於陣。卹贈一拖沙喇哈番。以其子六十四襲。

胡里滿洲鑲白旗人。姓他塔拉氏。世居扎庫木地方。初任牛錄品級章京。順治十五年。隨信郡王多尼征貴州。破偽侯李成蛟於涼水井。我師渡瀘江。至雲南磨盤山。偽晉王李定國設重兵以待。胡里隨噶喇昂邦白爾黑圖等奮勇衝擊。

敗之。又擊敗李定國兵於魯岡。康熙十四年。從征逆藩耿精忠。至江西。擊賊偽都督范超。明於艾口。又擊偽提督顏子明於南康。俱有功。十六年。從征逆藩吳三桂。至廣東韶州府。隨鎮南將軍莽伊圖等。擊偽將軍馬寶。敗之。又敗偽總兵姜熊於樹梓墟。至廣西。敗偽將軍吳世琮。馬步兵。又於陶屯。擊敗偽將軍范齊韓等兵。十九年。從征南大將軍賴塔。進征雲南。二十年。克黃草壩。進抵雲南省城。並在行間有功。二十五年。議

叙授。拜他喇布勒哈番。

多克隊。滿洲鑲白旗人。姓克勒德氏。世居吳喇

地方。初任壯尼大。順治十五年。隨寧南靖寇大將軍宗室羅託。征雲貴。駐劄荊州。偽總兵田國欽。黃世貴。約降。阻於賊。多克隊同龔章。京鄂。諾往迎之。擊敗賊兵二千餘。進至雲南。敗偽侯李成蛟於涼水井。又擊敗偽晉王李定國兵於雙河口。並在行間有功。十八年。議叙授。拖沙喇哈番。多克隊子壽柱。初任驍騎校。康熙三十五年。

以委署章京隨撫遠大將軍伯費揚古征厄魯特噶爾丹師至昭莫多聞厄魯特駐兵於忒勒爾機口壽柱遂同委署前鋒統領碩代前往誘賊比賊兵至即率前鋒兵隨大將軍奮擊敗之追至忒勒爾機而還五十九年隨平逆將軍顏信率兵進藏於卜克河及齊嫩郭爾地連敗準噶爾賊兵又敗之於綽馬刺地方遂至藏平定湯古忒土默特部落等衆壽柱俱在行間論功授拖沙喇哈番

鱗色滿洲鑲白旗人姓他塔拉氏世居扎庫木地方初以驍騎校從征山東賊首蔣靜剛破之取其寨康熙十五年從征叛鎮王輔臣擊敗偽總兵高定蔡元於關山河岸進圍秦州城數敗賊衆並敗自四川平涼來援之兵又於秦州南山擊偽總兵施遵禮兵敗之賊自四川平涼來援之兵與城內兵合師拒戰犯我營壕俱擊敗之又與王輔臣之子王繼正戰於平涼敗其馬步兵者再偽將軍陳君極率衆在伊門鎮西南

山列火器拒敵。又擊敗之。二十五年。以功授拜他喇布勒哈番。

席達。滿洲鑲白旗人。姓博爾濟金氏。世居克魯倫地方。其伯父曰納穆。率諸兄弟及部落於

國初。先衆來歸。授遊擊世職。順治元年。以隨和碩

肅親王入山海關。功加授世職。爲二等甲喇章

京。尋卒。納穆長子班丹襲。七年。遇

恩。詔加爲一等阿達哈哈番。卒。班丹弟詹木素襲。九年。

遇

恩。詔二次。加至三等阿思哈尼哈番。卒。以其叔東襲職。

東。納穆之弟。席達之父也。康熙七年。卒。席達襲

父職。三十五年。隨撫遠大將軍伯費揚古。由西

路。征厄魯特。噶爾丹有功。加授世職。爲二等阿

思哈尼哈番。病卒。

博濟。滿洲鑲白旗人。姓阿燕覺羅氏。世居雅爾

湖地方。康熙十三年。以委署叅領。從征逆藩吳

三桂。至江西。十五年。二月。隨安親王岳樂。擊偽

將軍夏國相李良棟於萍鄉縣。敗之。進兵湖廣。

距平江縣二里有偽總兵陳夏劉辛裘等率賊萬餘列火器來犯博濟隨大將軍擊敗其衆。又於七家洞擊偽總兵裘以勝兵步戰破之。進取九嶺。連敗賊兵。十八年。隨貝子章泰擊敗偽將軍吳國貴兵於武岡州雙井鋪。二十年。隨三路大兵進抵雲南省城。敗賊兵於城下。又隨都統希佛等追敗偽將軍馬寶巴養元於烏木山。二十五年。叙功。授拖沙喇哈番。克珥特黑滿洲鑲白旗人。姓費莫氏。世居布爾。

哈圖地方。康熙十三年。以驍騎校隨征逆藩耿精忠。至江西。敗賊帥黃豪於鄱陽湖官塘。復破賊舟千餘於筠州湖。進至饒州湖岔口。屢敗賊兵。十五年五月。從安親王岳樂敗賊帥邵連。登於建昌府長興地方。復敗偽周副總於界牌鋪村北山。十七年。隨定西將軍希爾根破賊於饒州之景德鎮。敗偽郭都督等。又敗賊首李茂珠。李復勝兵於建昌府城南之鐘鼓山。十九年。隨征南大將軍賴塔。征逆孽吳世璠。由廣西進雲南。

奪黃草壩直抵雲南省城並在行間有功二十五年議叙授拜他喇布勒^哈番

穆和納滿洲鑲白旗人姓他塔拉氏世居扎庫木地方康熙十三年隨征逆藩耿精忠踴躍前驅於浙江福建地方歷十三戰皆捷二十五年叙功授拜他喇布勒哈番四十八年病卒同旗有驍騎校艾都姓舒穆魯氏世居雅爾湖地方又有名岳多禮者姓富察氏世居吳喇地方並以從征浙江福建著有勞績授拖沙喇哈番

輝寶包衣鑲白旗人初任護軍校康熙十三年隨副都統喇哈達征逆藩耿精忠至浙江敗賊帥王宗仁於諸暨河岸進至義烏縣敗偽龔都督偽王總兵於山坑嶺又從平南將軍賴塔擊偽都督周烈偽總兵桑明兵於鷺鷥村紅橋等處並有功十五年從寧海將軍喇哈達擊海逆鄭錦偽總督徐耀兵於烏龍江前小門山鎮峯山破之又敗賊於夏口破偽總督興明伯趙得勝等於太平山攻克泉州府城又敗賊於洛陽

橋十九年叙功授拜他喇布勒哈番。同旗有費陽古者亦於康熙十三年以護軍校從征逆藩耿精忠至浙江隨副都統喇哈達敗賊於諸暨縣又敗義烏縣山坑嶺賊兵又敗偽葉總兵偽副將馬思於臨善村又於黃潭口望霧山打鐵村擊北原口村大溪灘等處擊敗賊兵有功十五年亦從寧海將軍喇哈達敗海賊偽總督徐耀兵於鎮峯山敗偽總督興明伯趙得勝於太平山攻克泉州府城十九年議叙授拜他喇布勒

哈番

尼雅爾薩滿洲鑲白旗人康熙十三年以委署叅領從征逆藩耿精忠至江西擊偽提督顏子明於南康縣敗之十六年隨鎮南將軍莽依圖征廣東敗偽總兵姜熊於樹梓墟進至廣西敗偽將軍吳世琮於新村西山又敗之於陶屯俱在事有功十九年隨征南大將軍賴塔征雲南奪黃草壩抵雲南省城並著勞績二十五年議叙授拖沙喇哈番同旗有名傳寶者初任八品

官亦以從征耿逆至江西四戰俱敗之隨鎮南將軍莽依圖征逆藩吳三桂由廣東進兵廣西敗偽將軍詹仰等於柳州之陶屯又隨征南大將軍賴塔平定雲南奪黃草壩抵雲南省城並在行間有功授拖沙喇哈番又有名準泰者初任驍騎校亦以從征逆藩耿精忠至江西屢敗賊衆從征吳逆至廣東廣西雲南等處俱有功二十五年議叙授拖沙喇哈番雅思哈滿洲鑲白旗人姓赫攝禮氏世居額爾

敏地方康熙十三年從征逆藩耿精忠至浙江敗偽總兵葉年於黃潭口又敗賊於望霧山打鐵村大溪灘等處進至福建敗賊於小門山鎮峯山十七年隨寧海將軍喇哈達擊海寇敗偽總督趙得勝偽將軍何猷等於太平山并敗白木山賊兵至泉州隨平南將軍賴塔敗偽提督王進功又敗偽將軍吳淑於泉州江岸半山地方並在行間著有勞績授拖沙喇哈番同旗有偏武者姓伊爾根覺羅氏亦於康熙十三年從征

耿逆過浙江進趨福建偽將軍馬九玉率衆渡苗村江來劫我副將李成恩之營偏武在本旗第三名衝擊敗其衆得賞銀三十兩隨寧海將軍喇哈達用雲梯攻泉州以第四人登城右眼下被創得賞銀二十兩白馬一匹事平議叙授拖沙喇哈番

胡錫屯滿洲鑲白旗人姓葉何里氏世居寧古塔地方康熙十三年以委署叅領隨定南將軍希爾根征逆藩耿精忠至江西圍撫州府戰於千金坡破偽將軍楊三偽總兵李茂珠十四年從安親王岳樂破耿逆偽帥邵連登於建昌府長興地方從定南將軍希爾根破賊於饒州之景德鎮敗耿逆偽郭都督馬步兵又與賊首程鳳張名揚戰於沉香山馬鞍山並有功十五年從安親王岳樂征逆藩吳三桂破偽將軍夏國相等於萍鄉又從擊楊熊二偽總兵於沿溪十七年從貝子章泰擊偽將軍吳國貴於武岡州雙井鋪俱有功二十五年議叙授拖沙喇哈番同

旗有達禮者。姓瓜爾佳氏。世居蘇完地方。初任江南駐防佐領。亦以從征江西有功。授拖沙喇哈番。

希福納。包衣鑲白旗人。姓趙佳氏。世居額爾敏地方。初任護軍校。康熙十三年。從征逆藩耿精忠。至浙江。隨副都喇^統哈達。擊偽帥王宗仁於諸暨縣河岸。敗之。至義烏縣。敗偽龔都督偽王總兵於山坑嶺。又敗偽葉總兵。偽副將馬思等於臨善村。又擊千山嶺。大溪灘。夏口等處賊。俱有

功。過仙霞關。與賊偽王總兵戰於建陽縣關廂。隨平南將軍賴塔。擊敗之。十五年。海逆鄭錦犯福州。隨寧海將軍喇哈達。敗偽總督徐耀於烏龍江前小門山。鎮峯山嶺。又破其衆於太平山。俱在事有功。十九年。議叙。授拖沙喇哈番。同旗。有納科禮者。亦於康熙十三年。以委署驍騎校。從征逆藩耿精忠。至浙江。擊偽總兵徐尚朝於金華府。敗之。又從擊賊於秀溪山。集道山。半山嶺等處。屢敗其衆。進至宣平縣。敗偽總兵馮公

輔又敗偽將軍馬九玉等於蔡平關水南地方。又連敗賊兵於小門山鎮峯山太平山洛陽橋等處。俱在行間有功。授拖沙喇哈番。

圖爾禪滿洲鑲白旗人。初任牛录章京。康熙十三年。從康親王傑書征逆藩耿精忠至浙江。擊敗偽總兵葉年兵於黃潭口。又敗賊於望霧山打鐵村千山嶺等處。敗偽林總兵於大溪灘。敗偽守備趙深等於夏口。進至福建。敗賊於浦城縣。又敗海賊於小門山鎮峯山。俱在行間有功。

十六年。隨寧海將軍喇哈達破海賊偽總督趙得勝偽將軍何猷等於太平山。至泉州。敗偽提督王進功。又隨平南將軍賴塔敗海賊偽將軍吳淑於泉州江岸半山地。方海寇偽總兵仇洪如等率兵據鳳凰山激水湍地方。偽將軍劉國軒吳淑等率兵據蜈蚣山。並隨賴塔進擊破之。賊退據郭塘山崖。又擊敗之。又敗賊衆於盤圍山。並在事有功。二十五年九月。議叙授拖沙喇哈番。西騰者圖爾禪之弟也。康熙十四年。以委

署護軍校。從征察哈爾布爾尼。連敗賊兵。尋以提督王輔臣叛。西騰從征。至陝西。與王輔臣之子王繼正戰於湖山屯。敗其衆。進至湖廣。敗賊王國祖馬步兵於攸縣。病歿於軍。二十五年。議叙。贈拖沙喇哈番。以其子朱蘭泰襲。

格爾素。包衣。鑲白旗人。初任七品官。康熙十三年。從征逆藩耿精忠。至浙江。隨副都統喇哈達。敗偽龔都督兵。又隨平南將軍賴塔。敗偽都督周烈。偽總兵桑明等於衢州府屬鷺鷥村。敗偽

將軍馬九玉。偽中軍李廷貴於衢州府北原口。村破。偽兵曹閔可孝。偽守脩趙深。兵於夏口。並在行間。十五年。從寧海將軍喇哈達。破海賊鄭錦。偽總督徐耀。兵於鎮峯山嶺。又破其偽總督興明。伯趙。得勝。偽將軍何猷等。於太平山。十七年。偽將軍劉國軒。自灣腰樹渡河。立營於潮溝之間。修木城。列火器拒戰。格爾素復隨平南將軍賴塔。進擊。大敗其衆。二十五年。叙功。授拖沙喇哈番。

褚名臣包衣鑲白旗人康熙十三年以委署護軍校從征逆藩耿精忠至浙江隨副都統喇哈達破偽都督楊祿於尖山浮橋又於諸暨河岸擊敗賊帥王宗仁敗偽龔都督偽王總兵於義烏縣之孝順街敗偽林總兵於大溪灘又擊賊於鷺鷥村河岸敗之十五年從寧海將軍喇哈達破海寇偽總督興明伯趙得勝等於太平山進援泉州府破賊於洛陽橋並在行間十九年叙功授拖沙喇哈番

費雅思哈滿洲鑲白旗人姓佟佳氏世居嘉哈地方康熙十三年以擺牙喇從征逆藩吳三桂由陝西進四川自蟠龍山回至娘娘廟遇偽將軍吳之茂率賊萬餘分兩處斷路立營費雅思哈先衆衝入擊敗之又隨前鋒統領穆占敗偽將軍王屏藩兵於槐樹驛賊兵復於小梅嶺斷路列陣以拒我師費雅思哈以第二人衝入賊陣敗其衆隨振武將軍內大臣坤巴圖魯防守漢中尋叙功授拖沙喇哈番

薩爾納滿洲鑲白旗人。姓伊拉里氏。世居葉赫地方。康熙十三年。以委署護軍校從征。耿逆至浙江。十五年。進趨福建。擊海賊偽將軍劉國軒於夏坑。毆奇頭山。郭塘。盤圍山等處。連敗其衆。又敗之於太平寨。十九年。隨征南大將軍賴塔。征逆孽吳世璠。至雲南。奪石門坎。黃草壩。抵雲南省城。並在事有功。二十五年。議叙。授拖沙喇哈番。尋任西安駐防佐領。三十五年。隨撫遠大將軍伯費揚古。征勦厄魯特。噶爾丹。奮勇擊敗賊兵。事平。叙功。加為拜他喇布勒哈番。同旗有吞珠祐者。姓蜚雅氏。世居輝發地方。康熙十三年。逆藩吳三桂之叛。從鎮南將軍莽依圖。進征至廣西。敗偽將軍范齊韓。詹仰等。於柳州。陶屯地方。十九年。隨征南大將軍賴塔。平定雲南。三十五年。又隨撫遠大將軍伯費揚古。征噶爾丹。吞珠祐。並在行間。著有勞績。論功。授拖沙喇哈番。

賽喀納。滿洲鑲白旗人。姓布賽氏。世居葉赫地

方初任護軍叅領。康熙十四年，隨撫遠大將軍信郡王鄂扎勦叛逆察哈爾布爾尼至大魯地方，破其衆，又破其溝內伏兵，凱還，叙功，授拖沙喇哈番。歷任至鑲白旗滿洲副都統，尋以疾卒。諭祭一次。祭文稱其性行純良，才能稱職云。同旗有護軍叅領吳沙庫、護軍校綽克託，七品官馬薩喀，並以康熙十四年隨信郡王鄂扎征察哈爾布爾尼，屢敗賊衆，各授拖沙喇哈番。又有武蘭布者，姓趙佳氏，世居額爾敏地方，亦以從征布爾尼有功，授拖沙喇哈番。

覺和托，滿洲鑲白旗人，姓文都氏，世居訥陰地方，初任驍騎校。康熙十四年，從撫遠大將軍信郡王鄂扎征察哈爾布爾尼，至大魯，敗其兵，賊復聚潰，卒來犯，兩戰皆破之。十九年，隨征南大將軍賴塔，征逆孽吳世璠，奪黃草壩，進抵雲南，並有功。二十五年，議叙，授拜他喇布勒哈番。同旗有護軍校阿哈納，亦以隨撫遠大將軍信郡王鄂扎征察哈爾布爾尼，隨征南大將軍賴塔

平定雲南二役有功。授拜他喇布勒哈番。又有
殷德者。亦於康熙十四年。以委署叅領。從征察
哈爾布爾尼。連敗賊兵。十七年。從征福建海寇。
往援泉州府。破賊於洛陽橋。復敗偽將軍劉國
軒於潮溝之間。二十五年。議叙。授拖沙喇哈番。
渾塔。滿洲鑲白旗人。康熙十四年。以委署叅領。
從安親王岳樂。征逆藩耿精忠。至江西。五月。隨
安親王岳樂。破偽帥邵連登於建昌府長興地
方。又隨定南將軍希爾根。敗偽周副總於界牌
鋪。北山。七月。破賊兵於饒州府景德鎮馬鞍山。
十五年正月。隨安親王岳樂。征逆藩吳三桂。破
偽將軍夏國相。李良棟。等於萍鄉縣東來龍山。
又敗偽總兵薛先勝。偽副將朱名勝於瀏陽縣
北山。十七年。隨都統覺羅晝特。復平江縣。十九
年。隨貝子章泰。破偽將軍吳國貴於武岡州。雙
井鋪。並在事有功。二十五年。授拖沙喇哈番。
傅哈達。滿洲鑲白旗人。姓寧古塔氏。世居薩爾
湖地方。康熙十四年。以委署護軍校。從征逆藩。

耿精忠至江西。隨定南將軍希爾根。破偽帥李茂珠等於建昌府城南鐘鼓山。又擊偽總兵吳含興薛岱等兵。破之。進至馬店地方。十五年十月。隨安南將軍舒恕。敗偽提督顏子明。偽將軍張郭年兵。又破南康縣賊。十六年。隨鎮南將軍莽依圖。征逆藩吳三桂。踰大庾嶺。往廣東。將軍莽依圖。征逆藩吳三桂。踰大庾嶺。往廣東。至韶州府城東山上。破偽將軍馬寶等。十八年。至廣西。擊偽將軍吳世琮兵。敗之。復於陶屯地方。擊敗偽將軍范齊韓唐仰等。十九年。從征南

大將軍賴塔。奪石門坎黃草壩。直抵雲南城下。並在事有功。授拖沙喇哈番。

愛音柱。滿洲鑲白旗人。康熙十四年。以委署驍騎校。從征逆藩耿精忠。敗偽羅都督於江南績谿縣。至江西樂平縣段家村。與偽陳叅將水戰。敗賊八千餘。偽吳都督率衆四萬。列陣於石頭街。隨官兵連敗其衆。又敗偽總兵柯勝兵於弋陽縣。十七年。隨征至廣東韶州府。敗偽將軍馬寶兵。十九年。從征南。大將軍賴塔進平吳逆。敗

賊於黃草壩進抵雲南並有功授拖沙喇哈番
朔色滿洲鑲白旗人姓庫布魯氏世居西蘭木
魯地方康熙十四年以八品官隨定遠平寇大
將軍安親王岳樂征逆藩耿精忠至江西破偽
帥邵連登於建昌府之長興地方復敗賊將朱
文貝於宜黃縣東山十五年從安親王征逆藩
吳三桂至袁州府萍鄉縣擊偽將軍夏國相李
良棟等敗之於縣東來龍山尋卒於軍追叙前
功贈一拖沙喇哈番以其叔父之子滿色襲

畢里克滿洲鑲白旗人姓吳辛氏世居西蘭木
魯地方初任驍騎校康熙十七年隨征吳逆至
廣東韶州府擊敗偽將軍馬寶等進至廣西擊
偽將軍吳世琮於新村西山敗之十九年隨征
南大將軍賴塔奪石門坎黃草壩進抵雲南省
城並有功授拜他喇布勒哈番同旗有委署叅
領恩格特委署護軍校錫特庫並以隨鎮南將
軍莽依圖征廣西隨征南大將軍賴塔平雲南
歷戰有功各授拖沙喇哈番

晉才滿洲鑲白旗人。姓伊爾根覺羅氏。世居寧古塔多喀地方。初以委署叅領從征海寇。與偽將軍劉國軒戰於夏坑。毆奇頭山。又有郭塘盤圍山等處賊兵犯我營壕。併擊敗之。又擊太平寨。兵敗賊六千人。康熙十九年。隨大兵征雲南。奪石門坎。黃草壩。至雲南省城。並在行間力戰有功。二十五年。議叙授拜他喇布勒哈番。同旗有委署護軍校博和禮。姓瓜爾佳氏。世居蘇完地方。又有委署護軍校索柱。根貝。又有桑格。並以從征福建海寇。平定雲南吳逆。二役有功。各授拖沙喇哈番。

卦納滿洲鑲白旗人。姓伊爾根覺羅氏。世居河門地方。初任護軍校。康熙十九年。從征南大將軍賴塔。平定雲南。擊偽將軍何繼祖。王弘勳等。於石門坎。三戰三克之。賊復於黃草壩拒戰。率本甲喇兵擊敗之。進至雲南城下。偽將軍胡國柄等出城來犯。同三路大兵擊敗其衆。尋以疾卒。康熙二十五年。叙功。贈拜他喇布勒哈番。以

其子巴納承襲同旗有察穆布者姓富察氏世居扎庫塔博爾屯村亦以隨征南大將軍賴塔平定雲南吳逆有功授拜他喇布勒哈番又有委署章京阿珥楚委署護軍校花色關任並以從征雲南平定逆孽吳世璠有功各授拖沙喇哈番又有名袞泰者姓納蘭氏世居葉赫地方亦以是役効力行間授拖沙喇哈番

穆爾禪滿洲鑲白旗人康熙十九年以委署護軍校隨征雲南逆孽吳世璠奪石門坎敗敵二次又於對路大山敗賊進破黃草壩乘勝抵雲南省城俱在行間有功又隨都統希佛於烏木山敗偽將軍馬寶巴養元兵二十五年叙功授拖沙喇哈番同旗有松吉納者姓郭爾本氏世居郭洛果多地方亦以從征雲南有功授拖沙喇哈番

阿蘭柱滿洲鑲白旗人姓伊爾庫勒氏世居諾雷地方初任西安防禦康熙十三年隨征陝西至綏德州擊偽遊擊王文英兵於胡爾崖嶺敗

之三十五年隨撫遠大將軍伯費揚古征勦厄魯特噶爾丹戰於昭莫多敗其衆論功授拜他喇布勒哈番同旗有滿都里者姓他塔拉氏世居扎克丹地方初任護軍校尋陞右衛防禦兼佐領亦於康熙十三年從征陝西擊叛鎮王輔臣三十五年從征噶爾丹二役有功授拖沙喇哈

番

圖爾海滿洲鑲白旗人姓富察氏世居訥陰地方初任前鋒校康熙三十年陞前鋒侍衛尋擢

護軍叅領三十五年從征厄魯特噶爾丹固守汛地射退敵兵有功授拖沙喇哈番四十五年陞正藍旗滿洲副都統五十年陞正白旗護軍統領尋以疾卒同旗有任拖沙喇哈番品級章京名索爾和代者姓氏里居與圖爾海同又有佐領談圖俱以從征噶爾丹由西路進勦有功各授拖沙喇哈番又有名何達色者姓瓜爾佳氏世居佛訥河邨亦以是役從事行間得授拖沙喇哈番

新泰滿洲鑲白旗人。康熙五十九年。以部委夸
蘭大。隨平逆將軍貝勒顏信征準噶爾。屢敗賊
兵。進至藏平定湯古忒土默特部落等衆。並在
行間論功。授拖沙喇哈番。同旗有委署夸蘭大
常壽亦於康熙五十九年。隨貝勒顏信取藏有
功。授拖沙喇哈番。又有委署夸蘭大名赫塞者。
姓吳辛氏。世居西蘭木魯地方。以雍正二年。隨
大兵進藏有功。授拖沙喇哈番。病卒。以其子齊
那禮襲。



